

www.BibleForChildren.org

San Mateo 8




Cate' chiguca tsonna dza, guca laní que yöl-la' rutsaga na' lu yödzo Caná luyú Galilea, ate' zóanu xinē'ë Jesús ni'. Lësca' zoa nu bulidza Jesús, en yugu' bönni' usëda queë' dijáquië' laní na'.



Cate' biyadzaj xisi uva ilē'ajē', ní'irö xinē'ë Jesús gúdxinu Lē', rnnanu: —Biti'rö dē xisi uva ilē'ajē'.
Ní'irö xinē'ë Jesús gúdxinu bönni' huen dxin ta'gu'ë le tahuë', rnnanu: —Guli'gún yúgu'të le guíë' libí'ili'.



Jesús gudxë' yugu' bönni' huen dxin na',
rnnë': —Buli'lí yugu' yusu' ni nisa. Bulu'lié'
yugu' yusu' na' nisa. Ní'irö Jesús rë'
légaquië': —Guli'gachi' na'a, en guli'tsöjuá'
lahuë' bönni' zoë' ra' yusu'. Yöjuá'gaquië'
na'.



Buyúë' bönni' na' zoë' ra' yusu' channö nazxí'i nisa na'
nuhuöáca xisi uva, pero biti' réquibe'enë' gazxi za'.
Nöziguequinë' bönni' huen
dxin na' guláchë'ë nisa
na'.



Ní'irö bönni' na' zoë' ra' yusu' bulidzë' bönni' rutsaga
në'ë, en rë' lë': —Zí'alö tu'nödzejë' yúgu'të bönni' xisi
uva nácarö sizxí'i, en cate'
chigulë'ajë' yenni', ní'irö
tu'nödzejë' le cabí nazxí'i.
Li', ga bidxintë na'a ben
chi'u xisi uva nácarö
sizxí'i.



Yöl-la' huáca naca bë' ni benë' Jesús lu yödzo Caná
luyú Galilea naca le risí lo yugu' yöl-la'
huáca gunë'. Caní guca,
bulu'e lahui yöl-la' zxön
queë', ate' gula'yéajlë'ë
Lë' bönni' usëda queë'.



Bidxinë' Jesús lidxë' Pedro, ate' ni'
bilé'enë'-nu xiná'anu nigula queë',
dënu lu da'a, en yú'unu tu xilá.



Gudanë' Jesús ná'anú, ate' la' burúajtë xilá na' yú'unu.
Ní'irö böásanu, en bunödžjanu le gulahuë'.



Cate' chiridzō', ca gudxía gubidza, la' dujuá'gacatë'
yúgu'të nupa te'e, en yugu' bönni' yu'u légaquië' bö'
xihui' ga zoë' Jesús.


Yúgu'të bönachi lu
yödzö bila'guírö ga
nu riyaza yu'u ga
na' zoë' Jesús.



Jesús bunë' zían nupa te'e, naca zían yödzhüë'
té'enë'. Bubéajë' ca' zían bö' xihui' yú'ugaca bönachi
na'. Biti' bë'ë lataj ila'nnë bö' xihui' na' tu' núnbë'gaca
Lë' Nu náquië'.



Yúgu'të bönachi zían na' tuí'i ládxi'gaca ila'gán
Jesús tu' ruúnë' léguequi len yöl-la' huáca queë'.



Ní'irö bila'dxinë' ga na' zoë' Jesús tapë' bönni',
nuá'agaquië' tu bönni' huë' nacú'unië' bin.



Biti' guca ila'dxinë' lahuë' Jesús tu'
nacuá' bönachi zían ni'. Que lë ni
na' gula'saljë' ícjo'olö ca
dödilö ga zoë' Jesús. Cate'
budxi bulu'dxíë' yeru na', ni'
bulu'zötjë' le
denë' bönni'
huë' na'.



Cate' gúquibe'enë' Jesús ca na' ta'yéajlë'ë Lë', gudxë'
bönni' huë' na': —Zxi'ina',
chibunít lahua' li' ca naca
dul-la' nabágu'u. —Li'
rea': Guyasa. Buá'
le denu', en böaj
lidxu'.



Gurenë' Jesús lë'e bárcodo', ate' dzágagaquië' Lë'
bönni' usëda queë'. Ní'irö guyecja
bö' budunu' lu nísado' na', ate'
riyasa ridxíada' nísado' na' ga
bidxintë riyaza nisa lë'e
bárcodo' na'. Dë' rásië'
Jesús lë'e barco na'.



Bubi'ë didza' Jesús, en rë' légaquië': —¿Bizx que rádxi'li'? Láti'do'os réajlë'ëli'-në' Dios. Ní'irö guyasë' Jesús, en bulidzë' bö' na' recja, en nísado' na', ate' la' gurö'ötë dxi. Bulu'báininë' bönni' na', ta'nnë': —¿Nuzxi caz bönni' ni? Ruí'isë' didza', ate' bö' recja, en nísado' tun ca rnnë'.



Tu' bidxí'ide'enë' Dios bönachi
yödzölió, buzá' ládxë'ë quéguequi
Zxí'inë' la' buduínë', para cabí ila'niti
yúgu'të nupa ila'yéajlë' Lë', pero
gata' yöl-la' na'bán idú
quéguequi.



Romanos 3:23 tu' núngaquië' yúgu'të' dul-la', en bití' ca' nácagaquië' tsahui' ca na' náquië' Dios idú tsahui'.

Romanos 6:23 Lazxaj nu run dul-la' naca yöl-la' guti, pero le rúnnasë' Dios queëru' naca yöl-la' na'bán idú, le rata' queëru' tu' nácaru' tuz len Xanru' Jesucristo.

Hebreos 9:27 Ca na' run bayudxi ilátigaca bönachi tu luzuísö ate' tödi ni' uchi'a usöröë' Dios léguequi,

Efesios 2:8,9 Nuláli' tu' zoa le buzá' ládxë'ë Dios queëli' tu' réajlë'ëli' Cristo. Busölë' libí'ili', calëga tu' nacuá' le naca dxi'a benli' libí'ili', pero tu' naca le runsë' Dios.

Cuntu nu gaca gun ba zxön cuini tu' nulá, tu' cabí nulá nu na' tu' nacuá' le naca dxi'a nun nu na'.



Romanos 10:9,10 “Channö didza’ gu’u gaca bë’ Jesús náquië’ Xanu’, en uyéaj lë’u idú ládxu’u Dios busubanë’ Lë’ lu yöl-la’ guti, uló’ li’.”

Lu icja ládxi’do’oru’ réajlë’ëru’ Jesús para gácaru’ tsahui’, ate’ len didza’ ruí’iru’, ruluí’iru’ lahui le náquië’ Jesucristo para uláru’.

San Juan 3:16,17 Tu’ bidxí’ide’enë’ Dios bönachi yödzölió, buzá’ ládxë’ë quéguequi Zxí’inë’ la’ buduínë’, para cabí ila’niti yúgu’të nupa ila’yéajlë’ Lë’, pero gata’ yöl-la’ na’bán idú quéguequi.

Dios gusöl-lë’ë Zxí’inë’ yödzölió ni, calëga para ichúguië’ quégaca bönachi yödzölió ni gátigaca, pero para ulu’lágaca bönachi yödzölió ni ni’a queë’ Lë’.



1 Juan 5:11-13 Lë ni naca le benë' ba nalí Dios. Gunnë'
chibennë' yöl-la' na'bán idú queëru', ate' Zxí'inë' na'
náquië' Nu nabániru' caní.

Nu bönni' zóalenë' Zxí'inë' Dios lë', dë yöl-la' na'bán idú
queë'. Nu bönni' biti' zóalenë' Zxí'inë' Dios lë', biti' dë
yöl-la' na'bán idú queë'.

Libí'ili' na' réajlë'ëli'-në' Zxí'inë' Dios, ruzúaja' queëli' lu
guichi lë ni para inözili' chidë yöl-la' na'bán idú queëli', en
para gaca idú ca réajlë'ëli'-në' Zxí'inë' Dios.



San Mateo 8-9; San Marcos 1-2, 4;
San Lucas 4, 8; John 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Zapotec Rincon NT (zar) © 2009, Wycliffe Bible Translators,
Inc. All rights reserved.

<https://live.bible.is/bible/ZARTBL/MAT/1>

©2025 Bible for Children, Inc.

www.M1914.org

www.bibleforchildren.org

